



**P**hilippus filius fuit Ruperti principis Palatini, atq; Elizabethę Georgij diuitis Bavarie ducis filie qui natus est anno 1504. hic cum fratre Ottone Heinrico, qui postea elector constitutus, in liberalibus disciplinis & omnis generis uirtutibus honeste educatus fuit. Inde aliquandiu Ludouici patruus Electoris aula secutus, equos regere atq; arma tractare didicit. Postea cum Carolus Cæsar esset, atq; cum Gallis bellum continuaret, in Italia sese castris Cæsaris coniunxit, & prima rudimenta militiæ iecit. Inde Ferdinando Archiduci Austriæ operam nauauit, atq; aliquoties in Vngaria cum Turcis leuiores prælia miscuit. Cum autem Ferdinandus expulso Vayuoda Vngariam recepisset, Solymanus Turca trecentis millibus armatorum, Vngaria maiori ex parte occupata, Austriam ipsamq; Germaniã infano consilio inuadere statuit. Itaq; cum in Vngaria res prosperè successissent, Viennam clarissimam Austriæ urbem obsidere proposuit. Id cum Ferdinandus intellexisset, uiginti millia Germanorum militum Viennam celeriter in præsidium misit, atq; hisce fortissimum principem Philippum, anno ætatis 25, imperatorem constituit. Paulo post Solymanus, Anno 1529 ad idus Sept.